



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1606. usque ad annum 1610

**Fleury, Claude**

**August. Vind. [u.a.], 1776**

**VD18 90118820**

§. 22. Bernardi Macziewskii Cardinalis obitus.

---

[urn:nbn:de:hbz:466:1-67222](https://nbn-resolving.org/urn:nbn:de:hbz:466:1-67222)

tem pietatis opera Romæ Religiosam Sæc. XVII.  
 domum pro Virginibus oblatas sub Re- A. C. 1608.  
 gula Sancti Benedicti Congregationis  
 Montis Oliveti instituit, quas ipsa de-  
 functo suo Marito quantocius nudis pe-  
 dibus adiit, ac fune e collo pendente  
 prona in terra multis lacrimis in earum  
 societatem admitti efflagitavit, ubi Hu-  
 militate, in proximum charitate, pa-  
 tientia animique fortitudine, ac vitæ  
 asperitate, aliisque virtutum donis in-  
 claruit, donec consummato vitæ cur-  
 riculo ad coronam justitiæ anno ætatis  
 suæ quinquagesimo sexto a Domino e-  
 vocaretur, multis ante & post obitum  
 signis ac prodigiis clarissima, quibus  
 Eugenii IV. & Nicolai V. Pontificum  
 jussu rite probatis Clemens VIII. Cano-  
 nisationis causam absolvere constituit,  
 eo autem morte prævento Paulus V.  
 recognitis anteactis Franciscam Sancta-  
 rum Viduarum Catalogo die vigesima  
 nona Maji adscripsit, ejusque festivitatem  
 die nona Martii quotannis cele-  
 brandam indixit.

§. XXII.

*Bernardi Maczieiovskii Cardinalis  
 obitus.*

Primum hujus anni Mensẽ vitæ suæ Ciacon. in  
 postremum habuit Bernardus Mac- vita Clem.  
 zieiows- VIII.

Sæc. XVII. zieiowskius seu Ciolek Macceonius pa-  
 A. C. 1608. tria Polonus, qui anno restauratæ Sa-  
 lutis millesimo quingentesimo quadra-  
 gesimo octavo natus primum Lucco-  
 riensis, postea Cracoviensis Episcopus  
 ac demum Gnesnensis Archipræful crea-  
 tus a Sigismundo III. Rege ad Sixtum  
 V. Pontificem Legatus decernebatur,  
 qua etiam dignitate insignis, postquam  
 a Clemente VIII. purpura decoratus  
 erat, ad eundem Regem a Paulo V.  
 Legatus a Latere declaratus est. Vir  
 erat omni virtutum genere clarus, ve-  
 rus ovium suarum Pastor, munificus  
 Pauperum & viduarum Pater, libera-  
 lissimus Regularium & præcipue Jesui-  
 tarum Patronus, Ecclesiæ suæ decus,  
 ac patriæ ornamentum; tandem vero  
 immensis pro Dei gloria, ac fidelium  
 salute exantlatis laboribus ad immor-  
 talem vitam evocatus, die decima nona  
 Januarii Cracoviæ pie in Domino obiit,  
 non sine ingenti omnium mœrore. Tu-  
 mulum, in quo ejus ossa conderentur,  
 sibi vivens extruxerat in Ecclesia Ca-  
 thedrali, quam multis pretiosis domibus  
 locupletaverat. Ejus sepulcralis in-  
 scriptio, quam Fratres Minores Con-  
 ventuales concinnarunt, totum hujus  
 Viri elogium complectitur his verbis:  
*Hic quicquam honoris ac dignitatis, quod in  
 eum caderet, domi forisque fuit, amplissime*

mis virtutibus consecutus, de ipsa quoque Sæc. XVII.  
 triumphavit invidia. Civis, Senator, Pon- A. C. 1608.  
 tifex, inter paucos pius, magnanimus, li-  
 beralis, fortunatus in omni vita, si turba-  
 tam patriæ tranquillitatem, quam sollicitè  
 curabat, ante obitum restitutam vidisset:  
 hoc unum perpetuæ felicitati defuit.

§. XXIII.

*Ascanius Columna Cardinalis  
 mortuus.*

Eandem æternitatis viam paulopost Ciacon. in  
 ingrediebatur Ascanius Columna vita Sixti V.  
 ex illustrissima Principum Columnen- Nic. Erythr.  
 sium familia Romæ natus, qui genti- Pinacoth. II.  
 litæ Laudis æmulus ætatis maturita-  
 tem ingenii felicitate prævertit; quippe  
 a teneris annis jamjam Græcis latinis-  
 que, necnon humanioribus literis im-  
 butus Romæ in Carolo Borromæo alio-  
 rumque eruditorum confessu orationem  
 habuit, ac Philosophicis disputationi-  
 bus doctissimos Urbis Philosophos in  
 certamen adolescentulus provocavit:  
 Postea in Hispaniam missus in Salman-  
 ticensi Academia juris Pontificii Bac-  
 calaureus, in Complutensi vero Philo-  
 sophiæ, Theologiæ, ac juris utriusque  
 Doctor creabatur: inde Philippi II. Re-  
 gis aulam petens, doctrinæ fama, ac  
 sermonis gravitate omnium oculos, ani-  
 mum